

Pakatan pelampau sesat bunuh menteri Kerajaan masih menyiasat — Mahathir

Bahan asal dari Arkib
Negara Malaysia

SHAH ALAM, Khamis.
— Kerajaan masih menyiasat kegiatan pelampau-pelampau ajaran sesat yang dikatakan merancang membunuh Menteri-Menteri Kabinet dan pemimpin-pemimpin politik lain.

Timbalan Perdana Menteri Datuk Seri Dr. Mahathir Mohamad ketika memberitahu demikian hari ini menambah: "Nama-nama Menteri Kabinet yang akan dibunuh seperti yang tercatat dalam dokumen penganas komunis diperolehi oleh pihak berkuasa dalam tahun 1975."

Menjawab soalan para pemberita berhubung dengan laporan mengenai rancangan kumpulan-kumpulan tersebut dan langkah-langkah memperketat kawalan peribadi para

Menteri, beliau berkata: "Kami perlu bergerak. Ini adalah salah satu bahaya pekerjaan yang sama seperti bahaya pekerjaan yang anda hadapi yang terpaksa kami hadapi."

"Bagaimanapun saya mempunyai insuran \$500,000 yang saya tidak dapat lihat jika sesuatu berlaku ke atas diri saya," tambahnya.

M e n g e n a i kemungkinan Kerajaan menggunakan Akta Keselamatan Dalam Negeri (ISA) untuk mem-berkas ahli-ahli kumpulan tersebut, beliau menegaskan, undang-undang itu akan hanya digunakan sekiranya kegiatan-kegiatan kumpulan ajaran sesat tidak dapat dibendung oleh undang-undang lain dan m e n g a n c a m keselamatan negara.

Rancangan kumpulan ajaran sesat itu didedahkan oleh Menteri

Tak Berpotfolio di Jabatan Perdana Menteri, Datuk Haji Mohamad bin Nasir Selasa selalu.

Menurut Datuk Haji Mohamad, kumpulan-kumpulan ajaran sesat yang terlibat bercadang menawan beberapa buah bandar seperti Johor Bahru selanjutnya seluruh Johor, Kuala Lumpur, Thailand, Kam-puchea dan Russia dalam masa 73 hari.

Belliau juga men-dedahkan terdapatnya anggota-anggota kumpulan tersebut yang mencemarkan nama baik Malaysia dengan menuduh Kerajaan membunuh para pendakwah agama di Johor dalam usaha melumpuhkan usaha-usaha mengem-bangkan syiar Islam di negara ini.

Tuduhan tersebut dilaporkan dalam siaran oleh salah sebuah ma-jalah di Mesir.